

J.J. Ammann, aus Hohenfurt ms. CXCVII. (Zfda 35,
(14. Jh.) S. 248f.)

So du icht verloren habst so tue waz alhie geschriben stet drei chlein vinger lang cherzzen pren in eren der drei chvnig. Caspar. balthasar. Melcher. vnd sprich inzedienst an deinem Chnie. den salm afferte domino. vnd ein vinger lang cherzen prenne ze eren dem engel. der die drei chvnig weiste. an den wech. da si vnsern herren fvnden. vnd sprich den salm. Confitebor tibi domino in toto. vnd frumme ein sel messe. vnd mizz dev hohe tuer vnd dev weite. da icht verloren oder avz getragen sei. mit zwain cherzen. vnd prenn sei chrevzling. in ern sant pantaleon. vnd opfer ein ganz prot. auf sant nicla alter. vnd nim iz hir wider aba. vnd sneide itz en vier. vnd gib iz vier witben. vnd prenn. ein ckerzen alz ein hant. an deinem chnie. vnd sprich dar nach zehen pater noster sant nycla. vnd zehen pater noster sant nycla chaim sel. vnd man in als er gevrayt wart. an seiner sel. daz si behalten wart. vnd sprich also muezze ich gefrevt werden. an meiner flur. daz si mir wider werde. also gefrevt wart mein herre sant nycla. an seines chaimes sel. daz si im behalten wart amen. vnd sprich zwen. pater noster dem wege. da der devp hin ist gegangen. vnd zwen pater noster ier gesehen. vnd sprich herre sant nycla. Nv hilf mier. daz ier gehoren. vnd ier gesehen. her wider zv mier gechert wert. vnd mier. daz wider pringen daz si mier verstollen habt Amen. den salm domini est terra.